

Լանջիկ

Վարչական ղեկավար՝ Դավիթ Մինասյան

Հեռ 077 64 49 73

Մակերես՝ 15կմ²

Բնակչություն՝ 936

lanjik.shirak@mta.gov.am

Գյուղ Մարալիկի տարածաշրջանում, մարզկենտրոնից գտնվում է 35կմ հեռավորության վրա: Նախկինում ունեցել է Մուսուխլի, Մուսուղու, Մուսուխլը, Մուսուղի անվանումները: Լանջիկ է վերանվանվել 1947 թ-ին: Տեղադրված է Գյումրի-Թալին ավտոմայրուղուց կողմում:

Գյուղը տեղադրված է բլրապատ հարթավայրում՝ ծովի մակարդակից 1960մ բարձրության վրա: Մթնոլորտային տեղումները սակավ են: Կիման բարեխառն լեռնային է, ձմեռը տևական, ցուրտ, հաստատուն ձնածածկույթով: Լինում են ուժեղ քամիներ, հաճախակի են մառախուղները և ձնաբքերը: Ամառը տաք է, համեմատաբար խոնավ: Տարեկան տեղումների քանակը 600-700մմ: Բնական լանդշաֆտները սևահողային լեռնատափաստանները:

Գյուղն ունի եկեղեցի, իսկ շրջակայքում կան գյուղատեղիի ավերակներ, գերեզմաններ:

Բնակչության նախնիների մի մասը 1828-1830 թթ տեղափոխվել է Արևմտյան Հայաստանի Ալաշկերտի, Բասենի, Մուշի շրջաններից: 1873 թ-ին գյուղն ունեցել է 411, 1897 թ-ին՝ 664, 1926 թ-ին՝ 663, 1939 թ-ին՝ 719, 1959 թ-ին՝ 699, 1979 թ-ին՝ 777 բնակիչ: Ըստ ազգային վիճակագրական ծառայության տվյալների համայնքը 2013թ-ի հունվարի 1-ի դրությամբ ունեցել է 936 մարդ: Սեռային կազմում տղամարդիկ կազմում են 43%, կանայք՝ 57%: Տարիքային խմբերը բաշխված են հետևյալ կերպ.

մինչաշախատունակներ՝ 35%, աշխատունակներ՝ 51%, հետաշախատունակներ՝ 14%: Ունի 102 տնտեսություն: Ունի դպրոց, գրադարան, բուժկետ, կապի հանգույց:

Գյուղատնտեսության մասնագիտացման ուղղությունը անասնապահությունն է: Գյուղատնտեսական հողահանդակները գրեթե ամբողջությամբ օգտագործվում են որպես վարելահողեր՝ կազմելով 575հա: Պետական հողերը գլխավորապես օգտագործվում են որպես վարելահողեր, արոտավայրեր, կազմելով համապատասխանաբար 92 և 660 հեկտար: Ջրաղվում են խոշոր եղջերավոր անասնապահությամբ, թռչնաբուծությամբ: Մշակում են հացահատիկային, բանջարաբոստանային, կերային կուլտուրաներ: Համայնքի հիմնախնդիրների մեջ կարևորվում են դպրոցական գույքի նորացումը, խմելու ջրագծերի վերանորոգումը, գյուղամիջյան ճանապարհների վերանորոգումը, գյուղատնտեսական մթերքի իրացումը, գազաֆիկացումը:

ՀՀ Շիրակի մարզ, գ. Լանջիկ
Ինդեքս՝ 2901